

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1275/13
Sarajevo, 19.11.2013. godine

Z A P I S N I K
17. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 14. novembra 2013. godine

Sjednica je počela u 16.16.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, predstavnike Vlade Federacije, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su: Jasmin Smailbegović, Mira Ljubijankić, Mladen Lonić, Ekrem Prošić i Mukadesa Anadolac.

Na osnovu evidencije Stručne službe, predsjedavajući je konstatovao da sjednici prisustvuje 45 delegata, što čini većinu, te Dom naroda može raditi i punovažno odlučivati.

Nakon toga, predsjedavajući je, na osnovu rezultata glasanja, konstatovao da je Dom naroda Parlamenta Federacije BiH (32 glasa za i tri uzdržana glasa) usvojio sljedeći:

D N E V N I R E D

- 1. Prijedlog Autentičnog tumačenja člana 5. Zakona o Komisiji za vrijednosne papire („Službene novine Federacije BiH“, br. 39/98, 36/99 i 33/04) (predlagač: Zakonodavno-pravna komisija Predstavničkog doma Parlamenta Federacije Bosne i Hercegovine).**

Vlada Federacije je dostavila prijedlog za davanje autentičnog tumačenja člana 5. Zakona o Komisiji za vrijednosne papire („Službene novine Federacije BiH“, br. 39/98, 36/99 i 33/04).

Predstavnički dom Parlamenta Federacije je na 23. sjednici, održanoj 29.10.2013. godine, donio autentično tumačenje člana 5. Zakona o Komisiji za vrijednosne papire koje je utvrdila Zakonodavno-pravna komisija Predstavničkog doma Parlamenta Federacije na osnovu podnesenog prijedloga Vlade Federacije.

Prijedlog Autentičnog tumačenja člana 5. Zakona o Komisiji za vrijednosne papire obrazložila je Edita Kalajdžić, sekretar Vlade Federacije.

U raspravi je učestvovao Luka Faletar.

Potom je predsjedavajući Doma naroda stavio na glasanje Prijedlog Autentičnog tumačenja člana 5. Zakona o Komisiji za vrijednosne papire i, na osnovu rezultata glasanja (36 glasova za, dva glasa protiv i šest uzdržanih glasova),

konstatovao da je Dom naroda Parlamenta Federacije Bosne i Hercegovine donio Autentično tumačenje člana 5. Zakona o Komisiji za vrijednosne papire koje glasi:

AUTENTIČNO TUMAČENJE
odredbi člana 5. Zakona o Komisiji za vrijednosne papire
(„Službene novine Federacije BiH“, br. 39/98, 36/99 i 33/04)

1. Komisija za vrijednosne papire, odnosno njen predsjednik, zamjenik predsjednika i članovi vrše funkcije u punom kapacitetu do konačnog imenovanja novih članova u skladu sa ovim zakonom, te drugim propisima kojima se uređuje postupak izbora i imenovanja tijela u reguliranim organima.
2. Autentično tumačenje predstavlja integralni dio teksta ovog zakona, te se u skladu sa tim primjenjuje od stupanja na snagu Zakona o Komisiji za vrijednosne papire i bit će objavljeno u „Službenim novinama Federacije BiH“.

Sjednica je završena u 16:25.

Transkript i prijepis transkripta sjednice čine sastavni dio Zapisnika.

SEKRETAR

Izmir Hadžić

PREDSJEDAVALAČI

Radoje Vidović